

**MINISTARSTVO ZA OBRAZOVANJE,
NAUKU, KULTURU I SPORT**

77.

Na osnovu člana 18. stav (1) Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15), Zakona o obrazovanju odraslih („Službene novine Zeničko-dobojskog kantona“, broj: 5/14 i 13/18), Javno važećeg programa obrazovanja odraslih „Osnovna andragoška obuka“ („Službene novine Zeničko-dobojskog kantona“, broj: 19/18), Ministarstvo za obrazovanje, nauku, kulturu i sport Zeničko-dobojskog kantona donosi:

Pravilnik o dopunama**Pravilnika o sadržaju i postupku izdavanja javne
isprave u obrazovanju odraslih**

Član 1.

(Predmet)

U Pravilniku o sadržaju i postupku izdavanja javne isprave u obrazovanju odraslih („Službene novine Zeničko-dobojskog kantona“, broj: 5/16, 8/18 i 10/19), iza člana 11. dodaje se član 11.a) i glasi:

„Član 11.a)

(Sadržaj Uvjerenja o osposobljavanju/usavršavanju po javno važećem programu obrazovanja odraslih od posebnog interesa za Kanton „Osnovna andragoška obuka“)

(1) Uvjerenje o osposobljavanju/usavršavanju po javno važećem programu obrazovanja odraslih od posebnog interesa za Kanton treba da sadrži:

- a) broj knjige evidencije i redni broj polaznika u knjizi evidencije;
- b) naziv programa;
- c) podatke o kandidatu;
- d) trajanje programa osposobljavanja/usavršavanja;
- e) nastavne sadržaje/module po broju sati;
- f) naziv stečene andragoške kompetencije polaznika;
- g) djelovodni broj, mjesto i datum izdavanja;
- h) naziv/oznaku obrasca.“

a iza člana 17. dodaju se članovi 17.a) i 17.b) i glase:

„Član 17.a)

(Izdavanje Uvjerenja o osposobljavanju/usavršavanju i vođenje evidencije i dokumentacije)

- (1) Ministarstvo izdaje Uvjerenje o osposobljavanju/usavršavanju po javno važećem programu obrazovanja odraslih od posebnog interesa za Kanton „Osnovna andragoška obuka“.
- (2) Ministarstvo vodi propisanu evidenciju i dokumentaciju o polaznicima javno važećeg programa iz stava (1) ovog člana i koordinira proces realizacije programa, a knjiga evidencije o izdatim uvjerenjima o osposobljavanju/usavršavanju vodi se na obrascu OPI1 dimenzija 28 x 40 cm.

Član 17.b)

(Štampanje i zaštita Uvjerenja o osposobljavanju/usavršavanju)

- (1) Ministarstvo utvrđuje formu i sadržaj Uvjerenja o osposobljavanju/usavršavanju po javno važećem programu za obrazovni rad sa odraslima/rad u ustanovama za obrazovanje odraslih „Osnovna andragoška obuka“.
- (2) Uvjerenje iz stava (1) ovog člana se štampa na specijalnom finom papiru, dimenzije 21,0 x 29,7 cm, na podlozi u svijetloplavoj boji s tekstualnim dijelovima u crnoj boji.
- (3) Radi sprječavanja zloupotrebe i zaštite javne isprave od pokušaja mehaničkog ili hemijskog brisanja upisanih podataka obrasci za javne isprave štampaju se na papiru koji je hemijski reaktivan, a ima dvostruku UV zaštitu, plavu i žutu vidljivu pod UV svjetlom.
- (4) Po cijeloj dužini sa desne strane uvjerenja ugrađuje se vidljiva metalna traka kojom se sprječava njegovo vjerodostojno skeniranje ili fotokopiranje.
- (5) Iznad naziva i u sredini uvjerenja odštampan je grb države Bosne i Hercegovine.
- (6) Obrazac Uvjerenja o osposobljavanju/usavršavanju po javno važećem programu obrazovanja odraslih od posebnog interesa za Kanton „Osnovna andragoška obuka“ OPI2 sastavni je dio ovog pravilnika.“

Član 2.

(Stupanje na snagu)

Ovaj Pravilnik o dopunama Pravilnika o sadržaju i postupku izdavanja javne isprave u obrazovanju odraslih stupa na snagu danom donošenja, a bit će objavljen u „Službenim novinama Zeničko-dobojskog kantona“.

Broj: 10-02-839/20.

MINISTAR

Datum: 17.01.2020. godine

Zenica

Prof. dr. Spahija Kozlić, s.r.

MINISTAR

.....

**KNJIGA EVIDENCIJE O IZDATIM UVJERENJIMA O
OSPOBLJAVANJU/USA VRŠAVANJU PO JAVNO
VAŽEĆEM PROGRAMU OBRAZOVANJA ODRASLIH
OD POSEBNOG INTERESA ZA KANTON
PROGRAM „OSNOVNA ANDRAGOŠKA OBUKA“**

Obrazac OPII

Bosna i Hercegovina
Federacija Bosne i Hercegovine
Zeničko-dobojski kanton
Ministarstvo za obrazovanje, nauku, kulturu i sport



**KNJIGA EVIDENCIJE O IZDATIM UVJERENJIMA O OSPOBLJAVANJU/USAVRŠAVANJU
PO JAVNO VAŽEĆEM PROGRAMU OBRAZOVANJA ODRASLIH
OD POSEBNOG INTERESA ZA KANTON
PROGRAM „OSNOVNA ANDRAGOŠKA OBUKA“**

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA OBRAZOVANJE, NAUKU, KULTURU I SPORT



Knjiga evidencije: _____
(broj)

Broj: _____
(u knjizi evidencije)

UVJERENJE

O OSPOSOBLJAVANJU/USAVRŠAVANJU PO JAVNO VAŽEĆEM PROGRAMU
OBRAZOVANJA ODRASLIH OD POSEBNOG INTERESA ZA KANTON

„OSNOVNA ANDRAGOŠKA OBUKA“

(naziv programa)

_____, rođen/a _____
(ime, ime oca, prezime) (dan, mjesec, godina)

u _____, _____, _____
(mjesto) (grad/općina) (država)

državljanstvo _____.

Imenovani/a, sa stečenim obrazovanjem _____
(stručno zvanje/naziv)

pohađao/la je program osposobljavanja/usavršavanja u trajanju od sto dvadeset (120) sati od _____
(datum)

godine do _____ godine.
(datum)

Nastavni sadržaji/moduli	Broj sati
Modul I – Učenje odraslih – psihološke osnove, karakteristike i stilovi učenja	15 sati
Modul II – Komunikacija, grupna dinamika i upravljanje obrazovnom grupom	15 sati
Modul III – Vizualizacija i prezentacija u obrazovnom radu sa odraslima	15 sati
Modul IV – Interaktivne metode obrazovanja odraslih	15 sati
Individualno samostalno učenje polaznika i samostalni praktičan rad uz monitoring	30 sati
Grupni rad – demonstracija vještina i supervizija na kraju obuke	30 sati

Polaznik je s uspjehom završio Program „Osnovna andragoška obuka“ i osposobljen je za

OBRAZOVNI RAD SA ODRASLIMA/RAD U USTANOVAMA OBRAZOVANJA ODRASLIH

Djelovodni broj: _____/20 _____. Mjesto i datum izdavanja isprave: _____.

M.P.

MINISTAR

OPI2